
■ GRISCHUN

Il chantun examinescha cun egl critic il portfolio europeic da linguas II

(cc) Il portfolio europeic da linguas PEL II è in document persunal per scolaras e scolars tranter 11 e 15 onns che cum piglia las enconuschientschas e las cum petenzas linguisticas. Il PEL po vegnir cumpareglià en tut ils pajais europeics. Las persunas d'instrucziun dal Grischun duain emprender d'enconuscher quest instrument da certificaziun. Per quest intent ha la regenza approvà in credit dad 11 000 francs.

En Svizra stat il PEL III a disposiziun dapi l'onn 2001 per giuvenils a partir da 15 onns e per persunas creschidas. Il PEL I per uffants da sis fin indesch onns è en planisaziun. La regenza vegn a decider pli tard davart l'introducziun definitiva dal PEL II en las scolas popularas dal Grischun.